

爾雅郭注佚存補訂

弁言

釋文叙錄爾雅郭璞注三卷與舊唐志合隋志作五卷
新唐志作一卷當爲字誤唐石經本明吳元恭仿宋刻
本元槧雪牕書院本皆分上中下三卷蓋郭注分篇之
舊也

郭景純集晉以前諸家之注沿同別異最爲詳洽故郭
注出而諸家之注俱廢不行然傳鈔旣繁脫訛滋甚陸
氏釋文依郭本爲正此爲近古之本今所訂經注悉從
陸氏陸所偶誤者閒亦以他本正之

陸氏釋文多爲俗書所淆苦無善本盧氏文弼所校之

本閒有訂正未能一律精審如郭注狹本作陝而又出狹字蔭本作廕而又出蔭字啗本作啖而又出啗字呼本作訐而又出呼字他如涂途箭箭暴暴菹菹等字雅俗並著前後不一盧氏皆未及一一訂正余別有爾雅釋文校正今悉據前後文悉心改訂以復陸氏之舊

今世所行郭注證以他書所引多從刪節非足本也據禮記禮器疏及周禮春官疏所引釋魚神龜靈龜諸條知唐時已有二本行世故孔賈所據各有不同太平御覽兩引釋魚蜃小者珧之注一與今本同一與今本異本草唐本注引釋草苕陵苕注云一名陵時又名陵霄

蘇頌圖經謂今爾雅注無又名陵霄句蓋當時讀者刪繁就簡以便省覽如今時五經刪節之本其後學者喜便畏難節本盛行於世人遂無復知郭注復有足本者今就諸書所引參互補訂猶可得其一二焉惜乎行篋之書不備不足盡其採掇耳

爾雅注中有音與方言體例畧同自注疏本別增音切遂將注中之音概從刪削明吳元恭仿宋刻本尙有一二存者今諸書中凡引音切悉爲補入其不明言郭璞者雖明知爲郭音亦從闕如之例蓋言慎也

郭氏別有爾雅音義一書諸書所引與今注不同者亦

或爲音義之文然無從辨別則概爲補入注中緣係一人之言故採掇不嫌於濫耳

唐以後郭注盛行於世諸書所引爾雅注凡不明言者皆謂郭注今所採掇以有郭璞字爲據其不明引者存於說中蓋亦慎之之意也

王懷祖先生著廣雅疏證凡有採補皆以小字旁記於正文之內今爲是書亦畧倣其例蓋不敢以散見之文驟亂古注記於旁者亦疑而未定之意也

是書成於署任資陽之二年邑孝廉伍西垣鑒助余蒐拾者頗勤鎮南劉越夫樾一任校刊之事書凡分爲二

十卷見聞寡陋據撫不周特以此爲博學方聞之士導
其先路云爾

光緒十八年歲次壬辰七月望後新城王樹枏自識於
資陽署內流芬峙秀之軒

爾雅序

夫爾雅者

釋文云爾字又作邇雅字亦作疋

所以通詁訓之指歸叙詩人之興詠摠絕代之離詞

明注疏本摠作總仿宋本與釋文合

辯同實而殊號者也

唐石經號作号

誠九流之津涉六藝之鈐鍵

釋文云鍵字又作鍵

學覽者之潭奧摘翰者之華苑也若乃可以博物不惑

多識於鳥獸草木之名者莫近於爾雅爾雅者蓋興於中古隆於漢氏豹鼠旣辯

單疏本辯作辨

其業亦顯英儒瞻聞之士洪筆麗藻之客靡不欽玩耽味爲之義訓璞不揆禱昧少而習焉沈研鑽極二九載矣雖註者十餘然猶未詳備竝多紛謬有所漏畧

釋文云謬本或作繆音同

是以復綴集異聞會稗舊說

釋文云會本又作摠

考方國之語采謠俗之志錯綜樊孫博關羣言剏其瑕

礫舉其蕭稂

釋文云舉字又作撻

事有隱滯援據徵之其所易了

釋文云了本亦作僚

闕而不論別爲音圖用祛未寤輒復擁篲清道

釋文云篲字又作彗

企望塵躅者

釋文云躅本又作躅

以將來君子爲亦有涉乎此也

釋詁第一

釋言第二

釋訓第三

釋親第四

郭氏以此爲上卷今分釋詁爲二卷釋言爲二卷釋訓爲一卷釋親合下釋宮爲一卷

釋宮第五

釋器第六

釋樂第七

釋天第八

釋地第九

釋土第十

釋山第十一

釋水第十二

郭氏以此爲中卷今分釋器爲一卷釋樂釋天爲二卷釋地釋土爲一卷釋山釋水爲一卷

釋草第十三

釋木第十四

釋蟲第十五

釋魚第十六

釋鳥第十七

釋獸第十八

釋畜第十九

郭氏以此爲下卷今分釋草爲二卷釋木爲一卷釋蟲爲一卷釋魚爲一卷釋鳥爲二卷釋獸爲一卷釋畜爲一卷

爾雅郭注佚存補訂卷一

新城王樹枏

釋詁第一

初哉首基肇祖元胎俶落權輿始也

尚書曰三月哉生魄詩曰令終有俶又曰俶載南畝
又曰訪予落止又曰胡不承權輿胚胎未成亦物之
始也其餘皆義之常行者耳此所以釋古今之異言
通方俗之殊語

明注疏本作胚胚俗字宋單疏本元雪應本皆作
胚與釋文同

三十一
林丞天帝皇王后辟公侯君也

詩曰有壬有林又曰文王烝哉其餘義皆通見詩書
弘廓宏溥介純夏輻麗墳嶽丕奕洪誕戎駿假京碩濯
訐宇穹壬路淫甫景廢壯冢簡薊販旺將業蓆大也

詩曰我受命溥將又曰亂如此輻爲下國駿麗湯孫
奏嶽王公伊濯訐謨定命有壬有林厥聲載路既有
淫威廢爲殘賊爾土宇販章緇衣之蓆兮廓落宇宙
穹隆至極亦爲大也薊義未聞尸子曰此皆大有十
餘名而同一實

雪牕本明注疏本作湯孫奏假明吳元恭仿宋刻

本作𪛗王氏詩考引爾雅注同阮氏元云郭蓋據韓魯詩以證經之𪛗非釋經之假也樹枏案說文𪛗遠大也假爲𪛗之借字釋𪛗而假之誼可知

釋文釋經𪛗字云本又作至邢疏云郭氏讀𪛗爲至樹枏案釋文據郭本爲正則郭本作𪛗而以𪛗爲至之假字故注曰至極其經文或作至者緣郭注誤改也

撫厖有也

二者又爲有也詩曰遂撫大東

迄臻極到赴來弔艤格戾懷摧詹至也

齊楚之會郊曰懷宋曰屆詩曰先祖於摧又曰六日
不詹詹摧皆楚語方言云

釋文釋經艘字云郭音屆孫曰古屆字郭音經之
艘爲屆而注文遂直改屆以明其音義經注異文
往往如此郝氏懿行謂郭注屆爲誤字非也五經
文字云艘爾雅或作屆蓋據郭注以改經文 仿
宋本明注疏本作先祖于摧單疏本雪臚本作於
郭所據多韓魯詩阮氏元云毛詩古文作于三家
詩今字作於

如適之嫁徂逝往也

方言云自家而出謂之嫁猶女出爲嫁

賚貢錫畀予貺賜也

皆賜與也

元應賢劫經十二卷音義引爾雅錫賜也謂賜與也上與下之辭也王法正理論音義引爾雅錫賚賜與也謂上與之辭也案上與下之辭也六字疑亦注文

儀若祥淑鮮省臧嘉令類緜殼攻穀介徽善也

詩曰儀刑文王左傳曰禁禦不若詩曰永錫爾類我車旣攻介人維藩大如嗣徽音緜殼未詳其義餘皆

常語

舒業順敘也

皆謂次敘

舒業順敘緒也

四者又爲端敘

怡懌悅欣衍喜愉豫愷康攸般樂也

皆見詩 怡心之樂也懌意解之樂也

元應大般涅槃二十四卷音義引爾雅怡懌樂也

郭璞曰怡心之樂也懌意解之樂也佛滅度後金

棺葬送經音義引同維摩詰經下卷音義引爾雅

怡懌樂也謂意解之樂也今本脫此十一字據補
慧琳阿毗達磨大毗婆沙論一百九十卷音義引
爾雅耽取樂過度也耽卽耽不言郭注

悅懌愉釋賓協服也

皆謂喜而服從

適遵率循由從自也

自猶從也

元應地持論九卷音義引爾雅率循自也郭璞曰
自從也從自意也

適遵率循也

三者又爲循行也

元應阿毗達磨俱舍論廿三卷音義引爾雅率循
自也郭璞注曰又爲循行也慧苑華嚴經音義卷
上慧琳新翻密嚴經二卷音義俱引郭璞爾雅云
循爲巡行也今據補也字

靖惟漢圖詢度咨諏猷肇究如慮謨基訪謀也

國語曰詢于八虞咨于二虢度于閔天謀于南宮諏
于蔡原訪于辛尹通謂謀議耳如肇所未詳餘皆見
詩

典彝法則刑範矩庸恆律夏職秩常也

庸夏職秩義見詩書餘皆謂常法耳

柯憲刑範辟律矩則法也

詩曰伐柯伐柯其則不遠論語曰不踰矩

毛本詩曰作詩云

辜辟戾臯也

皆刑罪也

希麟琳法師別卷上音義引爾雅云辜辟戾罪郭

注云皆刑罪也今據補也字

黃髮兒齒鮐背耆老鵠也

黃髮髮落更生黃者兒齒齒隋更生細者鮐背背皮

如鮐魚者猶耆也皆壽考之通稱

釋文云兒五兮反一音如字舊校云本今皆作覲
隋徒火反又作墮同樹柵案陸氏依郭本爲正則
郭本經注作兒不作覲作隋不作墮儀禮士冠禮
疏引爾雅云黃髮兒齒與釋文合兒者覲之假字
隋者墮之正字

允孚亶展謹誠亮詢信也

方言曰荆吳淮汭之間曰展燕岱東齊曰謹宋衛曰
詢亦皆見詩

毛本作方言云荆吳淮泗之間曰展柵柵案方言

作汭不作泗釋文云汭仁銳反

展謔允慎亶誠也

轉相訓也詩曰慎爾優遊

明注疏本遊作游

謔浪笑敷戲謔也

謂相調戲也見詩

元應瑜伽師地論四卷音義引爾雅戲謔也謂相調戲也謔亦喜樂也樹柁案元應不言郭注脫之也慧琳大寶積經四十七卷正誣論三卷音義俱引爾雅郭注云相啁戲也唐殘本玉篇言部謔下

引郭璞爾雅注亦作謂相啁戲也今本脫相字據補啁調古通據釋文則陸氏所據本作調

粵于爰曰也

書曰土爰稼穡詩曰對粵在天王于出征

唐殘本玉篇于部粵下引爾雅粵曰也郭璞曰詩云對粵在天是也樹枏案漢書顏師古注粵古越字郭旣引詩以證粵則玉篇作對粵者是今本作越者後人據毛詩以改注也郭所引蓋三家之詩爰粵于也

轉相訓

爰粵于那都繇於也

左傳曰棄甲則那那猶今人云那那也書曰皋陶曰都繇辭於于皆語之韻絕

辭也

元應大般涅槃經三卷音義引郭璞注于於皆語之韻絕辭也樹柎案今本於于誤作於乎當據元應所引訂正於于古今字故皆以爲韻絕辭

啟郤盍翕仇偶妃匹會合也

皆謂對合也

仇讎敵妃知儀匹也

詩云君子好仇樂子之無知實維我儀國語亦云丹

朱馮身以儀之讎猶儔也廣雅云讎輩也

仿宋本閩本馮身作憑身釋文及各本俱作馮國語亦作馮俗加心唐殘本玉篇言部讎下引爾雅郭璞曰讎猶疇也疇儔古通顧野王所據郭注作疇

妃合會對也

皆謂相當對也

元應大智度論七十七卷音義引爾雅會對也郭璞曰謂相當對也慧琳後出阿彌陀偈一卷音義引同今據補謂也二字

妃嬪也

相偶嬪也

慧琳能斷金剛般若波羅蜜多經論下卷音義引
郭注爾雅云嬪亦偶也

紹胤嗣續纂綏績武係繼也

詩曰下武維周綏見釋水餘皆常語

元應維摩詰所說經上卷音義引爾雅紹允繼也
注云紹繼道也允繼世也顯揚聖教論一卷音義
引爾雅紹繼也謂繼續先宗也正法華經一卷音
義引爾雅續繼也謂繼續修前業也所引皆不言郭注

氣謐溢蟄慎貉謐顗顗密宥靜也

顗顗顗未聞其義餘皆見詩傳

墮顗墮下降墜標蕭落也

顗猶墮也方俗語有輕重耳墮沈落也標蕭見詩

命令禱畛祈請謁諄諄告也

禱未聞禮記曰畛於鬼神

釋文云諄郭音辟告也本作訊音信樹柙案陸氏
所據郭本作諄後漢書張衡傳注引亦作諄諄訊
古同音通借唐殘本玉篇言部諄下引爾雅諄告
也郭璞曰相問諄也今注文無此四字釋言訊告

也注云相問訊顧氏蓋誤合釋言注於此下歟

永悠迴違遐過闔遠也

書曰過矣西土之人

永悠迴遠遐也

遐亦遠也轉相訓

虧壞圯垝毀也

書曰方命圯族詩曰乘彼垝垣虧通語耳

戾雉引延順薦劉繹尸旅陳也

禮記曰尸陳也雉順劉皆未詳

尸職主也

左傳曰殺老牛莫之敢尸詩曰誰其尸之又曰職爲
亂階

尸案也

謂案地

案寮官也

官地爲案同官爲寮

元應普曜經四卷音義引爾雅僚官也郭璞曰同
官爲僚樹柙案釋文所據郭本作寮云字又作僚
元應音義引又本也顯揚聖教論七卷音義亦引
作僚

續緒采業服宜貫公事也

論語曰仍舊貫餘皆見詩書

永業引延融駿長也

宋衛荆吳之間曰融業所未詳

喬嵩崇高也

皆高大貌左傳曰師叔楚之崇也

崇充也

亦爲充盛

犯奢慄毅剋捷功肩堪勝也

陵犯夸奢慄毅皆得勝也左傳曰殺敵爲慄肩卽剋

耳書曰西伯堪鵠

釋文云夸或作誇案仿宋本單疏本雪鵠本俱作誇說文夸奢也作夸者是阮氏元以經之毅字爲衍文以注之慄毅爲後人竄入樹柙案郭以慄毅爲得勝而慄字之義不明故重引左傳以申之陵犯夸奢爲句慄毅皆得勝也爲句謂慄與毅皆得勝之義也據釋文則陸氏所見郭本作慄不言注有異同蓋注文亦作慄也元應大智度論十六卷音義引蒼頡篇慄慄也殺敵爲慄爾雅慄勝也孫炎曰慄決之勝也今亦作果據此則殺敵爲慄字

本作慄後人據今本左傳改爲果遂併經文而亦改之失其舊矣 釋文云堪字又作戡翳郎兮反國名本作黎樹柶案陸釋經文堪字不言注有異同則注之作堪可知雪廳本改戡非郭注之舊翳字諸本皆作黎陸所據郭本與說文合

勝肩堪劉殺克也

轉相訓耳公羊傳曰克之者何殺之也

劉獮斬刺殺也

書曰咸劉厥敵秋獵爲獮應殺氣也公羊傳曰刺之者何殺之也

毛本作秋獵曰獮案釋天作爲不作曰

疊疊蠹沒孟敷勗釗茂劬勗勉也

詩曰疊疊文王蠹沒猶僊勉書曰茂哉茂哉方言云周鄭之間相勸勉爲勗釗孟未聞

釋文云僊字又作黽諸本皆作黽樹柎案郭注所本多三家之詩文選注引韓詩密勿同心密勿僊勉也此郭注所本也慧琳大唐內典錄十卷音義引郭注爾雅疊疊猶僊僊也字亦作僊

驚務昏瞢強也

馳驚事務皆自勉強

也

書曰不昏作勞瞢不畏死

希麟新譚十地經六卷音義引爾雅驚務強也郭

注云馳驚事務皆自勉強也今本脫也字據補

印吾台予朕身甫余言我也

印猶殃也語之轉耳書曰非台小子古者貴賤皆自稱朕禮記曰授政任功曰予一人畛於鬼神曰有某甫言見詩

明注疏本作禮記曰仿宋本單疏本雪認本作云朕余躬身也

今人亦自評爲身

台朕賚畀卜陽予也

賚界卜皆賜與也與猶予也因通其名耳魯詩云陽如之何今巴濮之人自評阿陽

今本作賚卜界皆賜與也據經文訂正疏云賚界卜皆賜與也卽本注文

肅延誘薦餼晉寅蓋進也

禮記曰主人肅客詩曰亂是用餼王之蓋臣易曰晉進也寅未詳

羞餼迪烝進也

皆見詩禮

詔亮左右相道也

皆謂教道之也

釋文音經道字云徒報反本或作導注及下同樹
枿案唐殘本玉篇言部詔下引爾雅郭璞曰謂教
道之也是顧野王所見郭注作道與釋文合阮氏
謂經當作道注當作導妄說今據補也字

詔相道左右助勵也

勵謂贊勉

亮介尚右也

紹介勸尚皆相佑助

左右亮也

反覆相訓以盡其義

緝熙烈顯昭晬光也

詩曰學有緝熙于光明又曰休有烈光

劼鞏堅篤堅虔膠固也

劼虔皆見詩書易曰鞏用黃牛之革固志也堅然亦

牢固之意也

也堅音堅

希麟金剛頂經一字頂輪王念誦儀一卷音義引

郭注爾雅云堅然牢固之意也堅音慳據補也字

及音

疇孰誰也

易曰疇離祉

睢睢皇皇藐藐穆穆休嘉珍禕懿鑠美也

自穆穆已上皆美盛之貌其餘常語

明注疏本脫自字釋文云盛作臧同

諧輯協和也

書曰八音克諧左傳曰百姓輯睦

關關嚶嚶音聲和也

皆鳥鳴相和

總變和也

書曰變友柔克

從申神加弼崇重也

隨從弼輔增崇皆所以爲重疊神所未詳

穀悉卒泯忽滅罄空畢罄殲拔殄盡也

穀今直語耳忽然盡貌今江東評厭極爲罄餘皆見
詩

明注疏本罄誤罄

苞蕪茂豐也

苞叢繁蕪皆豐盛

擎斂屈收戢蒐哀鳩樓聚也

禮記曰秋之言擎擎斂也春獵爲蒐蒐者以其聚人

衆也詩曰屈此羣醜原隰哀矣左傳曰以鳩其民樓
猶今言拘樓聚也

阮氏云雪牕本作樓猶今言拘樓樓樓二字互易
始得之樹枌案釋文言樓從手本或作樓非據此
則注中俱作樓也

肅齊遄速亟屢數迅疾也

詩曰仲山甫徂齊

寔駿肅亟遄速也

詩曰不寔故也駿猶迅速亦疾也

壑阮阮滕徵隍濂虛也

壑谿壑也阨阨謂阨壑也隍城池無水者方言云濂之言空也皆謂丘墟耳

濂本或作荒荒亦丘墟之空

無
膝微未詳

慧琳大乘大集地藏十輪經一卷音義引爾雅壑
虛也郭注云謂坑塹丘墟耳相續解脫地波羅蜜
了義經一卷音義引同遺教論一卷音義引郭注
爾雅坑塹池丘墟耳皆摠括注文 釋文濂下引
郭云本或作荒荒亦丘墟之空無今本脫此二句
據補據詩正義則作荒者某氏本也

黎庶烝多醜師旅眾也

皆見詩

洋觀哀衆那多也

詩曰薄言觀者又曰受福不那洋溢亦多貌

元應大智度論十五卷雜阿毗曇心論十卷音義
俱引爾雅洋溢也郭璞曰洋溢衆多也樹柁案爾
雅無洋溢之文溢當爲多字之誤

流差束擇也

皆選擇見詩

戰慄震驚難竦恐懼也

詩曰不難不竦懼即懾也

字

慧琳經律異相三十八卷音義引郭注爾雅云聳
驚悚也樹柟案慧琳所據爾雅悚作聳與文選廣
絕交論注所引合與釋文異 文選阮嗣宗爲鄭
沖勸晉王賡注引爾雅云惛懼也郭璞曰卽懾字
也今本脫字字據補慧琳根本說一切有部律懾
十一卷音義引爾雅云惛懼也或作懾字卽本郭
注元應月光童子經音義引爾雅云惛懼也郭璞
曰卽恐懾者也念佛三昧經三卷音義引爾雅云
惛懼也郭璞曰卽恐懾也樹柟案元應所引與李
善不同或者郭音義之文歟

痛瘡虺積玄黃劬勞咎頓瘡痂齧瘋癰痲痺疥癩閔
逐疢痲瘥痲癰瘥瘥病也

瘥積玄黃皆人病之通名而說者便謂之馬病失其
義也詩曰生我劬勞書曰智藏瘥在相戮辱亦可恥
病也今江東評病曰瘥東齊曰瘥禮記曰親瘥色容
不盛逐未詳餘皆見詩

今本作虺類玄黃阮氏云釋文於經後標瘥字云
呼回反字林云病也此蓋注作瘥經作虺校釋文
者因云今經注無此字矣詩釋文云虺呼回反說
文作瘥今說文無瘥字玉篇廣韻皆云瘥馬病蓋

毛詩爾雅作虺韓魯詩作瘰 仿宋本作便謂之
馬疾單疏本雪應本作便爲之馬病明注疏本作
便謂之馬病 今本作逐戮未詳阮氏云戮字當
衍注云相戮辱亦可恥病也是戮字注已詳之矣
邢疏亦云逐者郭氏未詳翟灝云一本但云逐未
詳無戮字樹枏案郝氏懿行謂又云戮未詳者疑
未敢定也此沿其誤而強爲之說也邵氏晉涵亦
云戮字衍文據刪

恙寫惺肝繇慘恤羅憂也

今人云無恙謂無憂也寫有憂者思散寫也詩曰悠

悠我惺云何盱矣繇役亦爲憂愁也

明注疏本誤作繇役以爲憂愁也

倫勤邛敕勤愉庸瘁勞也

詩曰莫知我勩維王之邛哀我瘁人國語曰無功庸者倫理事務以相約敕亦爲勞勞苦者多情愉也今字或作窳同

阮氏謂事務二字係疏語竄入非也倫理事務謂理治事務若但言倫理則勞字之義不明故增事務二字元應四分律四十九卷僧祇律九卷大智度論九十九卷大莊嚴經論三卷音義慧琳六

波羅蜜多經七卷音義俱引爾雅窳勞也郭璞云
勞苦者多墮窳也樹柙案元應慧琳蓋引今本並
注之愉字而亦改之失郭本之舊今於情愉下據
補也字以足句單疏本雪窓本窳作窳今從釋文
勞來強事謂剪篲勤也

詩曰職勞不來自勉強者亦勤力者由事事故爲勤
也詩曰迨其謂之剪篲未詳

悠傷憂思也

皆感思也

懷惟慮願念怒思也

詩曰怒如調飢

祿祉履戩祓禱祿祜福也

詩曰福履綏之俾爾戩穀祓祿康矣祿禱書傳不見其義未詳

阮氏云本或依毛詩改作第祿爾康矣誤甚卷阿毛傳曰第小也與此異義樹柎案郭所引蓋三家詩書傳不見明注疏本作書傳少見

爾雅郭注佚存補訂卷一終

爾雅郭注佚存補訂卷二

新城王樹枏

禋祀祠蒸嘗禴祭也

書曰禋于六宗餘者皆以爲四時祭名也

儼恪祇翼謹恭欽寅燠敬也

儼然敬貌書曰夙夜惟寅詩曰我孔燠矣謹未詳

朝旦夙晨暕早也

暕亦明也

頤俟替戾厖止俟待也

書曰俟我后今河北人語亦然替戾厖者皆止也止

亦相待也

明注疏本待下有也字諸本皆無

噉幾裁殆危也

幾猶殆也噉裁未詳

幾汽也

謂相摩近

治肆古故也

治未詳肆古見詩書

肆故今也

肆既爲故又爲今今亦爲故故亦爲今此義相反而

兼通者事例在下而皆見詩

懣亶祐篤擊仍胝痺竺腹厚也

頻仍痺益胝輔皆重厚擊然厚貌餘皆見詩書

載謨食詐僞也

載者言而不信謨者謀而不忠書曰朕不食言

話猷載行訛言也

詩曰慎爾出話猷者道道亦言也周禮曰作盟詛之

載今江東通謂語爲行世以祆言爲訛

言

釋文云祆本又作妖同各本皆作妖唐殘本玉篇

言部譌下引爾雅郭璞曰世以妖言爲譌言也慧

琳高僧傳十三卷音義引郭注爾雅代以禩言爲
譌言樹枌案釋文云訛字又作吡亦作譌譌爲正
字顧野王慧琳所據本皆作譌代字避諱改今本
脫言字據補

遘逢遇也

謂相遭遇也

明注疏本作謂相遘遇非慧琳佛說善生子經音
義引郭注爾雅謂相遭遇也邢疏亦云相遭遇今
據慧琳引補也字

遘逢遇遘也

轉復爲相觸還

文選琴賦注引郭璞爾雅注曰還相觸還也

遶逢遇還見也

行而相值卽見

明注疏本卽下衍是字

顯昭覲釗覲見也

顯昭明見也逸書曰釗我周王

監瞻臨蒞覲相視也

皆謂察視也

鞠訥溢盈也

詩曰降此鞠訕

孔魄哉延虛無之言閒也

孔穴延魄虛無皆有閒隙餘未詳

瘞幽隱匿蔽竄微也

微謂逃藏也左傳曰其徒微之是也

瘞葬也幽藏也

竄亦逃也

元應僧祇律一卷四分律四十三卷音義俱引爾

雅郭注曰微謂逃竄也慧琳續高僧傳十一卷音

義引爾雅祭地曰瘞薶郭璞曰幽藏也瘞埋也樹

枏案所引當爲此經注文慧琳隨舉而合之耳高

僧傳十卷音義亦引爾雅瘞埋也郭璞注曰瘞謂微幽藏也此所引亦誤倒當作瘞微也郭璞注曰瘞謂埋幽藏也今據補正 慧琳根本毗奈耶雜事錄十七卷音義引郭注爾雅云竄亦逃也今本脫此四字據補

訖微妥懷安按替戾底底尼定曷遏止也

妥者坐也懷者至也按抑替廢皆止住也戾底義見詩國語曰戾久將底孟子曰行或尼之今以逆相止爲遏微未詳

仿宋本雪隱本明注疏本作按抑按也邵氏晉涵

云按也二字衍從宋本刪邢疏云按抑替廢皆止
住也與宋本同 各本皆作戾底皆見詩傳國語
曰戾久將底阮氏云單疏本作戾底義見詩國語
曰戾久將底當據以訂正疏云凡注言見詩今毛
詩無者蓋在齊魯韓詩也可證今本傳字衍
豫射厭也

詩曰服之無射豫未詳

各本俱作服之無斃樹柙案釋文云射羊石反字
又作斃同不言注有異則郭本作射後人據毛詩
改之也郭注引詩多據三家毛詩振鷺在此無斃

韓詩作無射此詩服之無斃禮記緇衣王逸楚辭注俱引作服之無射蓋亦引三家詩也

烈績業也

謂功業也

績勲功也

謂功勞也

功績質登平明考就成也

功績皆有成詩曰質爾民人禮記曰年穀不登穀梁傳曰平者成也事有分明亦成濟也

阮氏云鍾本依詩改作人民非案詩正義釋經云

言汝等當平治汝民人知政事又釋箋云故令質爾民人也是正義本作民人開成石經毛詩誤倒耳

桔梗較頰庭道直也

桔梗較頰皆正直也詩曰旣庭且碩頰道無所屈

阮氏云頰解已見上不當複出邢疏云道者頰道無所屈此注當作道挺道無所屈左傳周道挺挺杜注挺挺正直也樹柵案頰字衍文當作道無所屈言道者無所屈之義也

密康靜也

皆安靜也

豫宜綏康柔安也

皆見詩書

平均夷弟易也

皆謂易直

矢弛也

弛放也

慧苑華嚴經上卷音義引郭璞注爾雅曰弛放也

據補也字

弛易也

相延易

希寡鮮罕也

罕亦希也

鮮寡也

謂少

酬酢侑報也

此通謂相報答也
也不主於飲酒

慧琳根本毗奈耶雜事律廿二卷音義引郭注爾
雅云謂相報答也高僧傳二卷音義引爾雅酬報
也郭注云酬相報答也今本脫也字據補 各本

皆作于阮氏云于當作於

毗劉暴樂也

謂樹葉缺落蔭疏暴樂見詩

各本作謂樹木葉缺落今據單疏本刪木字 釋

文云廕又作蔭同各本俱作蔭

覲髮莠離也

謂草木之叢茸翳蒼也莠離卽彌離彌離猶蒙龍耳

孫叔然字別爲義失矣

蠱詔貳疑也

蠱惑有貳心者皆疑也左傳曰天命不詔音緇

仿宋本有音緇二字釋文云諂郭音緇與仿宋本
合雪牕本作音叨非阮氏云今注疏本別附音切
者皆刪去音緇二字以避複

楨翰儀榦也

詩曰維周之翰儀表亦體榦也

弼棐輔比備也

書曰天威棐諶易曰比輔也備猶輔也

各本俱作天威棐忱仿宋本作天畏棐忱係據孔
本尚書改釋文云諶市林反舊校云本今作忱案
風俗通卷五引書天威棐諶與釋文合今各本皆

作忱者亦淺人據尚書改

壇界邊衛圉垂也

壇場竟界邊旁營衛守圉皆在外垂也左傳曰聊以固吾圉也

釋文云壇字又作亶經典作疆假借耳據此知陸所據郭本作壇今各本皆作疆非郭氏之舊仿宋本單疏本作竟界明注疏本加土旁作境疆境皆後人所改

昌敵疆應丁當也

書曰禹拜昌言疆者好與物相當值也

慧琳大乘大集地藏十輪經一卷音義引爾雅彊當也郭璞曰彊者好與物相當也今據補也字淳肩搖動蠢迪俶厲作也

淳然興作貌蠢動作也公羊傳曰俶甚也穀梁傳曰始厲樂矣肩見書迪未詳

慧琳新翻密嚴經一卷集異門足論三卷音義俱引郭注爾雅云勃然作色貌也與今本異 仿宋本雪牕本蠢動作下脫也字今從明注疏本

茲斯咨皆已此也

皆已皆方俗異語

嗟咨嗟也

今河北人云嗟歎音免置

仿宋本單疏本作嗟歎與釋文同雪廳本作嗟歎
明注疏本歎改嘆 明注疏本作音免置之置係
後人妄增

閑狎串慣習也

串厭串慣慣忼也今俗語皆然

今本經注皆作貫案釋文云慣本又作貫又作還
同古患反是陸所據郭本皆作慣也後漢書馮異
傳注引爾雅忼復也郭氏曰謂慣忼復爲之也足

證此注貫字之誤雪牕本明注疏本怵作伏誤

曩塵仵淹畱久也

塵垢仵企淹滯皆稽久也

逮及暨與也

公羊傳曰會及暨皆與也逮亦及也

仿宋本無也字

鷩假格陟躋登陞也

方言曰魯衛之間曰鷩梁益曰格禮記曰天王登遐

公羊傳曰躋者何陞也

釋文音經之假爲遐蓋本郭讀郭以假爲遐之借

字故引曲禮作登遐古人引書往往如此

揮盪歇涸渴也

月令曰毋漉陂池國語曰水涸而成梁揮振去水亦爲渴歇通語

唐殘本玉篇水部漉下引爾雅漉竭也郭璞曰月令無漉陂池是也漉下又云字書亦漉字或復爲盪字樹枏案盪漉同字顧野王所據爾雅作漉陸氏釋文則經爲盪注爲漉顧蓋本郭注以改經文也釋文云毋音無舊校云本今作無後人皆從今本改作無非亦爲渴今各本皆作竭依陸氏經

文改正

拒拭刷清也

振訊技拭埽刷皆所以爲潔清也

鄭注士喪禮云古文拒皆作振元應叡經音義云
振古文宸拒二形是拒振一字此郭用今文以明
古文也鍾本卽本改爲拒振祓拭非也 慧琳金
剛頂瑜伽祕密三摩地念誦法音義佛說放牛經
音義阿毗達磨順正理論五十四卷音義元應大
智度論三卷音義俱引郭璞爾雅云所以爲清潔
也今本脫也字據補

鴻昏於顯閒代也

鴻鴈知運代昏主代明明亦代昏顯卽明也閒錯亦相代於義未詳

饁饗饋也

國語曰其妻饁之

遷運徙也

今江東通言遷徙

秉拱執也

兩手持爲拱

廢熙興也

書曰庶績咸熙廡見周官

衛蹶假嘉也

詩序曰假樂嘉成王也餘未詳

仿宋本序作叙

廢稅赦舍也

詩曰召伯所稅舍放置也

慧琳提婆達多品音義引爾雅廢捨也郭璞曰捨

放置也今本脫也字據補

棲遲憩休苦歔歔息也

棲遲遊息也苦勞者宜止息憩見詩歔歔皆氣息

貌今東齊評息爲咽也

供峙共具也

皆謂備具

惻憐惠愛也

惻韓鄭語

憐哀愍也

今江東通評爲憐

慧琳六波羅蜜多經二卷音義引郭注爾雅云憐

哀愍也今本脫此四字據補

娠蠢震難妯駘感訛蹶動也

娠猶震也詩曰憂心且妯無感我悅兮或寢或訛蠢

難駘蹶皆搖動貌也

慧琳開元釋教錄八卷音義引郭注爾雅云蠢謂
動搖貌也文選七命注引郭璞爾雅注曰蹶動搖
之貌也今本脫也字據補

覆察副審也

覆校察視副長皆所爲審諦

毛本校作按

契滅殄絕也

今江東評刻斷物爲契斷

郡臻仍迺侯乃也

迺卽乃字也餘未詳

元應龍王兄弟經音義引爾雅迺也郭璞曰迺
卽乃字也慧琳優婆夷墮舍迦經音義引同元應
立世阿毗曇論四卷音義引爾雅迺也郭璞曰
迺亦乃字也今本脫字也二字據補

迪繇訓道也

義皆見詩書

僉咸胥皆也

東齊曰胥見方言

育孟耆艾正伯長也

育養亦爲長正伯皆官長

艾厯也

長者多更厯

厯秭算數也

厯厯數也今以十億爲秭論語云何足算也

厯傳也

傳近

艾厯覲胥相也

覲謂相視

貌

也公羊傳曰胥盟者何相盟也艾厯未

詳

文選運命論注引爾雅曰脉相視也郭璞曰脉脉

謂相視貌也古詩十九首注亦引爾雅曰脈相視也郭璞曰脈脈謂相視貌今本脫貌字據補

又亂靖神弗渥治也

論語曰予有亂臣十人渥書序作汨音同耳神未詳餘並見詩書

仿宋本作書敘明注疏本脫並字

頤艾育養也

汝潁梁宋之間曰艾方言云

汰渾隕墜也

汰以水去土汰渾皆水落貌也

釋文汰姑犬反施胡犬反顧徒蓋反字宜作汰樹
枹案陸所據經注蓋俱作汰據顧音則字宜作汰
非爾雅之舊也唐石經雪膠本仿宋本明注疏本
俱從陸作汰單疏本經注俱從顧改汰慧琳續高
僧傳十六卷音義引郭注爾雅云汰以冰去土慧
琳所據本亦作汰與顧氏同而所引之注則今本
脫之慧琳肇正論上卷音義引郭注爾雅渾水落
貌也唐殘本玉篇水部汰下引爾雅郭注曰汰水
落貌也今皆據補

際接翼捷也

捷謂相接續也

愍神溢慎也

神未詳餘見詩書

鬱陶繇喜也

孟子曰鬱陶思君禮記曰人喜則斯陶陶斯詠詠斯
猶猶卽繇也古今字耳

馘穊獲也

今以獲賊耳爲馘穫禾爲穊並見詩

釋文云穫禾一本作獲禾阮氏云穫禾字當從禾
此經注異文之證今本依經改大旁非

阻艱難也

皆險難也

慧琳廣弘明集十八卷音義引郭注爾雅云阻險
難也今據補也字

剡耜利也

詩曰以我剡耜

允任王佞也

書曰而難任人允者佞人似信者也
王猶任也

希麟新華嚴經廿八卷音義引郭注爾雅云佞人
似信者也樹柙案今本作允信者佞人似信允信

者三字有誤當衍一信字今以意刪訂

俾拚抨使也

皆謂使令見詩

俾拚抨使從也

四者又爲隨從

慧琳經律異相四十九卷音義引郭注爾雅云如
木匠振墨繩曰拚樹枅案此八字不見今注木從
繩則直於從義尚相近於使義無所取然其言與
郭注不類其或爲音義之文歟

懷仍因也

二る二十の

爾雅享た二

二

皆謂因緣也

元應俱舍論六卷音義引爾雅仍因也郭璞曰謂因緣也今本脫也字據補

董督正也

皆謂御正之也

元應舍利弗問經音義引爾雅督正也注云謂御正之也樹柎案御正下宜據增之字文義方明今本蓋刪脫耳

享孝也

享祀孝道

珍享獻也

珍物宜獻穀梁傳曰諸侯不享覲

縱縮亂也

縱放掣縮皆亂法也

探纂俘取也

書曰俘厥寶玉纂者奪取也探者摸取也

元應雜阿含經十九卷音義引爾雅探取也郭璞

曰手摸取也

徂在存也

以徂爲存猶以亂爲治以曩爲嚮以故爲今此皆詰

訓義有反覆旁通美惡不嫌同名

釋文云嚮許亮反舊校云本今作曷案各本作曷
在存省士察也

書曰在璿璣玉衡士理官亦主聽察存卽在

明注疏本理作師誤

烈栢餘也

晉衛之閒曰烈陳鄭之閒曰櫟櫟木餘也

今本作晉衛之閒曰櫟陳鄭之閒曰烈誤倒盤庚
疏引郭注亦與今本同今依方言訂正 慧琳釋
迦譜序四卷音義引郭注爾雅云櫟木餘也今本

脫此四字據補

訝迎也

公羊傳曰跛者訝跛者

釋文云訝五駕反本又作迓樹冊案今本皆作迓
唐殘本玉篇言部訝下引爾雅郭璞曰公羊傳跛
者訝跛者是也顧野王所據本作訝與陸同周禮
掌訝注訝迎也鄭司農云訝讀爲跛者訝跛者之
訝郭蓋本之司農

元良首也

左傳曰狄人歸先軫之元良未聞

薦摯臻也

薦進也摯至也故皆爲臻臻至也

仿宋本脫一臻字

賡揚續也

書曰乃賡載歌揚未詳

耐視祖也

耐付也付新死者於祖廟視毀廟主

卽尼也

卽猶今也尼者近也尸子曰悅尼而來遠

尼定也

尼者止也止亦定

邇幾暱近也

暱親近也

元應燈指因緣經音義引爾雅昵近也郭璞曰謂相近也亦親也私昵也辟支佛因緣論上卷音義

引同

妥安坐也

禮記曰妥而后傳命

仿宋本后作後

貉縮綸也

綸者繩也謂牽縛縮貉之今俗語亦然

阮氏云或作猶然雪牕本語作言

貉嘆安定也

皆靜定也見詩

慧苑華嚴經下卷音義引郭璞注爾雅曰漠謂靜
定也慧苑所據本蓋作漠今據補也字

伊維也

發語辭也

慧苑華嚴經音義上卷引郭璞注爾雅曰惟發語
聲辭也文選西征賦幽憤詩注俱引郭璞爾雅注

曰惟發語辭也封禪文注引郭璞爾雅注曰伊發語辭也李善所引俱無聲字今據補也字

伊維侯也

詩曰侯誰在矣互相訓

時寔是也

公羊傳曰寔來者何是來也

卒猷假輟已也

猷假未詳

殊酋在卒就殄也

詩曰嗣先公爾酋矣成就亦殄也其餘未詳

阮氏云卷阿三章俾爾彌爾性百神爾主矣四章
俾爾彌爾性純嘏爾常矣每章末句俱用爾字惟
二章俾爾彌爾性嗣先公酋矣無爾字蓋今本脫
正義曰又嗣其先君之功汝主能終之矣訓爾爲
汝是孔本有爾字卽本鍾本依今詩刪爾字非
崩薨無祿卒殂殪死也

古者死亡尊卑同稱耳故尚書堯曰殂落舜曰陟方
乃死

爾雅郭注佚存補訂卷二